

重脩興安州志序



夫志難言也哉興安古金州地業蕃集
萬山中通一水亞界西南接控領屬
邑者六其為幅隕也至廣而俯若天
下之奇險也建置之來歷今幾千百
年至間時勢之沿革風俗之盛衰人

興安州志

王京

一

民之聚散夫亦甚不勝志也哉然而
山川無恙疆域依然測之星躔則今
野有象也按之版籍則陸役有書也
稽之經制則建官有等也且以之典
故則學校祀祠有明禮也以之形勝
則關隘兵防有設險城郭津梁已界

限也以言事物功名則名宦鄉賢人
才科目孝義節烈各有流風保顏也
即或僻壤山陬未之賢豪之稅駕丹
崖翠壁曾留仙佛之遺踪如在鳥獸
草木產于水土者不可盡名詩古文
辭融於藝苑者絕少概見耶此則皆

興安州志

王序

二

可志也已猶是志也者文法乎古事
取乎侈興安既稱奇險復易時聞遷
徙莫定且不必遠徵泚代即如在我
朝車書一統自古絕盛而尚成尚羅山
賊之寇虐屠戮者十不存一也卯辰
間遭逆孽之叛亂竊據者竟延至五

六戰也。癸酉夏，值江水之泛漲，衝陷
者一壘，幾丘墟也。是豈非災異之不
常而不可以尋常敘述所能勝志也
哉。又况故基舊蹟，蔓野荒陂，去邑鄉
者亦遂湮沒無稽焉。耳。此志於此
地難而後修，志於此時抑更難之。歲

興安州志

王序

三

乙亥

上藿奉

天子命徵通屬誌書將以上之

國史而悉與焉。遭屢廢之，後殊形異勢
文獻無淑，至行以成百年之尊，而
別點在之採擇也。故因與別駕石君

議至事謂夫天下惟為之難耳夫為之亦為有平體也彼高山大川隱而在下者豈無遊覽之名流者乎豐州長林得諸丘墳者豈無故老之傳習者乎乃延劉子體元穆子簡臣並置之館凡以蠶菟博採朞月而後共卒

興安州志

王序

四

業為庶哉考古証今或有裨於佐史闕文補義不無裨於後蹟而已若夫禮士授餐參互考訂于此志之成有相助為理者例皆得書故並列其姓氏於簡端而無以志多脩輯之所由者如此者於是乎序

省

康熙三十四年乙亥十一月吉旦
奉直大夫陝西直隸興安州知州
加二級三轉五品銜梅侶氏謹
序於官署之靜觀堂

興安州志

王序

五



重修興安州志序

歲乙亥刺史王公蒞興之二載政
清人和將起百廢而具舉之乃教
然進余而謀曰郡無志可乎我將
與子其策其事焉余竊維修志爲
古今之重任興安僻在萬山前此

興安州志

石序

一

屢經兵燹圖籍掌故喪如也祭酉
夏五月江水泛溢城堤衝合廟寺
民居漂沒不可勝紀卽有蠹簡遺
編之一二僅存者亦已盡付之波
臣矣時余初抵糧署甫五日遽值
此災所目擊者最詳今欲有事纂

輯旣非若有文獻之可徵更非若有
有覩記之可及前無所鑒後無所
因其何所藉以考訂乎而公曰興
郡固屬殘疆然其河山風景城郭
人民凡若建官設學征賦防兵諸
大端猶無不約畧可數也且吾聞

山高水長之下未必無讀書好古
一之流而天下士君子托跡之所及
間亦有聞其風而至止者安在不
可以廣採而博稽也乎子盍爲我
訪之由是蒐羅載籍於古長安得
全省通志閱之頗悉大槩更從積

案中得前刺史遺郡乘寫本一冊
與高君衆偕前所輯州志一冊間
亦窺其總領第張本零落水痕漸
漬迄無以辨抑又今昔殊觀形尙
迥別所見異辭所聞異辭所傳聞
異辭以視通志所稱又何以問耶

興安州志

石序

三

適本郡劉子體元博洽之士也所
畱心者已久而穆子簡臣以吳下
不羈生入洵陽幕尋從刺史公遊
其所識極廣乃並請於王公致之
館俾有所述卽有所正而王公爲
之纂其成余也不敏亦得從叅互

考訂之列相與釐定而編次之則
茲書之成謂非極全郡巨觀而其
人其時俱有不可以一概論者哉
雖使數十百年後事異勢移又將
因是編以爲損益爲知後之視今
不猶今之視昔吾亦何能無感乎

興安州志

石序

四

一故因所志而附述及之若以爲序
也則吾豈敢則吾豈敢

康熙乙亥穀日興安州州判嘉定石
瀟邵菴氏敬書并識



興安州志後序

唐文淵堂

昔孔子因魯史以作春秋國人將
曰子之春秋也乎哉子之志也郡
太守王公修州志成人亦將曰公
之志也乎哉公之春秋也公以命
世才為良二千石燕興甫二年而

興安州志

劉後序

治行遠聞百廢具舉乃修州志爰
命別駕石公邵庵延寓客穆君簡
臣与秋于署中以珍襄其事公將
手自編摩著為成書秋受命惶懼
者前日近代以來滄海飛埃劫灰
滿目老成凋謝杞宋之禮誰徵斷

簡瓢零游夏之徒莫嘗將欲志之
亦何從而志之雖生又何可無以
志之曆之治曆歲差之法日異月
殊必數百年而一修者俾三至二
分協乎七政之度數而後已修志
必應編年之例時異世殊必數十

興安州志

劉後序

二

年而一修者俾六府三事歸於人
紀之肇修而後已夫世不可一日
無曆國豈可一日無志乎故曰世
無春秋亘古如晝夜而興郡且七
十八年如晝夜矣興之志始于明
成化戊戌既而一修於嘉靖再修

于萬曆不過取成書而增飾之已
耳迄於今東粵灰燼而簡牘之散
在民間者歷兵戈水火之厄不啻
若頽書以播篆之杳不可得及今
不修遂成絕響于是執與諸同人
各以杖履之所經歷耳目之所覩

聞較因攷異質之王公公揮以麗
藻鑄以鑪錘筆之劑之華素之各
執之闡寒暑而成書為目二十有八
各有俱論詳著其利弊而神明之
品如孔子知二代之禮而損益之
也不然則亦塵飯土羹焉耳焉用

是志為哉志成秋因有所感焉傳
曰待其人而後行州志自丁巳而後
代遠人湮必待公出而身任其所難
為之討文獻之跡搜官府之書窮
山水之源奮班馬之筆以成一郡
大典自今以往與郡由長夜而旦

興安州志

劉後序

四

矣謂之春秋誰曰不宜
昔

康熙乙亥冬抄

候選訓導郡貢生劉應秋撰



興安州志後序

郡之有志也尚矣問四方山川風俗險塞美惡
戶籍生齒之凋繁禽獸草木水土之產畜使治
此者一坐瞭然而天下之來游者得所觀止咸
於志取則焉古者賢有司為政之暇往往稽求
文獻彙集成書刪其舊而增其新意取乎該言

興安州志

穆後序

一

期於簡大約數十年而一易蓋志之不可不修
也又尚矣而興安之為志不然萬山叢互之區
民之孤陋其間者或十里而一家或數十里而
一舖戶鮮次丁夜無儲蓄輕去其土者其人去
而在籍者猶不知也謂此鄉之戶口可信乎供
賦徭役載於經制者不行于井里享其四業者

不亟于征輸守令之能者竊領其大綱而不能
者祇循故事而已孝義節烈名宦鄉賢隱淪才
藝之流攷之澄古不世出而今家曾閔而戶管
鮑白頭寡婦以節書富貴而不必德者以賢紀
鄙辭惡札繁縟連篇人物執文至於今何獨盛
也凡以執筆其間者損之益之夫亦具文烏耳

興安州志

穆後序

二

矣而興安之為志又不盡然前此之兵燹者蔑
如也後此之水患者又蕩如也文獻何在成書
何在雖欲因之其孰從而問之倘失此不脩將
來豈有不可知者其又熟澁而問之三韓王
乘刺是邦慨焉自任者久之會以纂修之業下
詢余以非才遂謝者再請公博徵典籍廣求地

老探取舊聞而後審勢揆形舉綱張目斷之以
信不可少參以私則雖創亦修也公搜得前志
寫本僅及劫中所僅留者一二冊蠹簡殘篇糝
糊零落莫可窺尋旋更得全省通志而遍繹之
公乃精搜嚴剔以信以文而又虛公重臣適館
授於是日集思廣益期年而稿竣而同事石公

興安州志

穆後序

三

即菴劉君體元以余實效訂正不可不一言序
其後余自以為羈旅之士寥落江山放形浩渺
抽毫擬素過而不存又為之遜謝者再因念刺
史公以廉敏之才卓然于脩明之責其治興也
遇事精勤視民寬愛且好文慕賢遠近樂之是
殆亦稱賢者亦仁人也仁人之言也信而可傳

則其為志顧可忽哉遂謹書以識于篇末

昔

康熙乙亥仲冬江南吳郡太倉穆坤簡臣氏題

于興安州之寓齋



興安州志

穆後序

四